

استراتژی ملی کار داوطلبانه

2023-2033

همرای استراتژی ملی کارداوطلبانه شروع کید

قلب جوامع آسترالیا

از ده‌ها هزار سال پیش تا امروز، مردم د سرتاسر از ای کشور از وقت خو تیر موشه که همرای دیگر کمک کنه. زمانیکه شمو تصمیم میگیرن که همرای دیگر خارج از خانه و خانواده بدون کدام دریافت پول کمک کنید، شمو بخش از چیزی استن که مو نام شیر کار داوطلبانه موگیم. کار داوطلبانه نامای مختلف دیره: کمک، خویشاوندی، اهدا به جامعه، خدمت، و بعضی وقتا مردم بلده از ای کار هیچ نام ندره.

یک پلان بلده بهتر شدون کار داوطلبی وجود دیره که نام شی برنامه ملی کار داوطلبانه استه - و شمو میتنید د ای سهم دیشته باشین. استراتژی ملی یک برنامه استه که از سال ۲۰۲۳ شروع تا سا ۲۰۳۲ ادامه دیره که بیتنه کار داوطلبانه ره د بخش مهم از جامعه آسترالیا تبدیل کنه. ای اینجی استه که همرای شیم کمک کنه که داستان خوره شریک کنید، جامعه خو جور کید، بلده پول و کمک درخواست بیدید، بلده آینده هدف جور کید، و داوطلبان ره سر کار بیگیرید و اوناره همکاری کید. ای بصورت مجانی قابل دسترس استه، هیچ ثبت نام لازم نیسته، و شمو انتخاب کید که چه وقت، چطور و به چه اندازه میخواین که سهم دیشته باشین.

کارداوطلبانه مثل جوامع ازمو متنوع استه

مردم از طریقه های مختلف از وقت خو تیر موشه. بعضی مردما د یک وقت و د یکجای کار داوطلبانه انجام میدیه، ولی بعضی کسا د وقتای خاص بلده کدام برنامه، فستیوال یا جشن مذهبی ای کار ره انجام میدیه. خیلی از مردما کار داوطلبانه ره بیدون کدام برنامه انجام میدیه، از وقت خو تیر موشه زمانیکه متوجه موشه یک نفر کمک لازم دیره.

خیلی از مردما بلده کار داوطلبانه د نهادای درخواست میدیه که کمک موشه، مثل کار خیریه یا کلب. کارداوطلبانه خارج از ادارات هم انجام داده موشه. شمو شاید به تنهای کار داوطلبانه انجام بیدین، با گروه از مردم د جامعه شیم، از طریق انترنت، با اداره، یا به طریقای مختلف که با دیگر کمک کین.

مردم بلده دلیلی مختلف کار داوطلبانه انجام میدین: که عقیده خوره تمرین کنن، همراهی دوستا و همسایه کمک کنن، از کشور خو مواظبت کنن، برای یک چیزی که بلده شی مهم استه کمک کنن، همراهی سیل زدگان و آتش زدگان کمک کنن، همراهی کلان سالا بخاطر احترام کمک کنن، یا فقط بخاطر که فکر مومن که ای کار مهم استن ای کار ره مومن.

هر قسمی که کار داوطلبانه بلده شیم مالوم میدین، شمو میتن با ای حرکت جمعی توسط استفاده کدو از استراتژی ملی کارداوطلبانه جامعه یکجای شونین.

استراتژی ملی کارداوطلبانه اینجی استه که همراهی از شمو کمک کنه

ده سال ۲۰۲۲، مردم از سرتاسر کشور باهم جمع شدن که یک پلان ره بلده آینده کار داوطلبانه جور کنه. نام ای پلان استراتژی ملی بلده کارداوطلبانه استه و یک بینیش ده ساله استه که **کار داوطلبانه ره د یک بخش مهم د جامعه تبدیل کنه.**

استراتژی ملی کارداوطلبانه بصورت مجانی قابل دسترسی استه و همه بصورت مشترک صاحب شی استه که به ای معنی استه که تعلق به همگی استه. مو همگی ای فرصت ره داریم که د استراتژی ملی کار داوطلبانه سهم دیشته باشیم و باهم یک آینده بهتر بلده کار داوطلبانه آسترالیا بسازیم.

راه های مختلف وجود دیره که مو بیتنیم د استراتژی ملی بلده کار داوطلبانه سهم بیگیریم و ایره استفاده کنیم که کار داوطلبانه د جامعه قوی تر شونه. مردم از استراتژی ملی بلده از ای کارا استفاده مومن:

- داستان های کار داوطلبانه ره شریک مومن و تاثیرات شیره جشن میگردن.
- کمک موشن که بلده کمک پولی درخواست بیدین
- افراد داوطلب ره استخدام کنن و با اونا کمک کنن
- بلدی آینده جامعه خو، نهاد و تیم خو برنامه جور کنن
- شبکه های نو د بخش های مختلف جامعه ایجاد کید
- د تحقیقات مختلف سهم بیگیرین، یا از پروژه های مختلف فعلی یاد بیگیرین
- همراهی گروپای مختلف دیگه د منطقه خودشی طریقه همکاری جور کید

استراتژی ملی بلده داوطلبی می‌تونه به صورت انعطاف پذیری د هر نوع داوطلبی مورد استفاده قرار بی‌گیره و شمو ممکن استه کاربرد متفاوتی را پیدا کنید که به نفع شیم، تیم شیم یا جامعه شیم باشه.

از زمان شروع شی د سال ۲۰۲۳، استراتژی ملی تنیسته که دولت ها، نهاد ها، جامعه ها و افراد با اونا شریک شونن. خیلی ها قول دادن که د آینده سهم بی‌گیرن. باهم، ای قول ها یک پلان سه ساله که نام شی پلان عملی سال ۲۰۲۳-۲۰۲۷ استه جور مونن. بلدی از شمو فرصت استه که شریک شونید، از استراتژی ملی استفاده کنید که همراهی شیم کمک کنه که به هدف بیرسین، و **کارداوطلبانه ره د بخش مهم از جامعه تبدیل کید.**

از طریق استراتژی ملی بلدی کار داوطلبانه، مو میتنیم کمک کنیم که یک آینده آینده بلده کار داوطلبی بلده مالومات بیشتر از ای وبسایت سربزنید volunteeringstrategy.org.au

استفاده کدو از استراتژی ملی کار داوطلبانه د جامعه

راه های مختلف وجود دیره که د استراتژی ملی کار داوطلبانه سهم بی‌گیرین و از ای بلدی قوت بخشیدن کار داوطلبی د جامعه استفاده کید. ای راهنما بلده شیم کمک مونه که:

- د باره استراتژی ملی کار داوطلبانه زیادتر مالومات بی‌گیرین
- از هدف استراتژی استفاده کید که برنامه ها جور کنید
- بخش از پلان عملی سال ۲۰۲۴-۲۰۲۷ باشین
- از استراتژی ملی استفاده کید د باره تاثیرات محلی خو صحبت کید
- همکاری های جدید ره شکل بیدین و با دیگرا وصل شونید

راجع به استراتژی ملی زیادتر مالومات بیگرین

بهترین راه شروع کدو همراهی استراتژی ملی ای استه که راجع به او بیشتر مالومات بیگرید.

استراتژی ملی کار داوطلبی (۲۰۲۳-۲۰۲۷) یک برنامه ده ساله استه که آینده کار داوطلبی د آسترالیا ره به تصور میکشه. ای اولین استراتژی ملی بلده داوطلبی د یک دهه استه، یک چارچوب استراتژی ره میسازه که امنیت، کمک و کار داومدار داوطلبی ره قادر میسازه.

راجع به اسنادای کار داوطلبی د باره استراتژی ملی کار داوطلبی میتنین د وبسایت زیر بیشتر مالومات بیگرین: volunteeringstrategy.org.au

استراتژی ملی کار داوطلبی توسط نظرات خیلی از مردم های مختلف توسط یک پروسه ای نامش دیزاین مشترک استه، ساخته شده. ای باعث یک بینش متحد خواد شد:

کار داوطلبی یک بخش مهم از جامعه آسترالیا استه

بخاطر بدست آوردن ای هدف، استراتژی ملی کار داوطلبانه ای چیزا ره داره:

- سه بخش قابل توجه، که شامل هدف استراتژی ملی بلده کار داوطلبی خواد شد
- یازده هدف استراتژیک، که جزئیات لازم بلده بدست آوردن ای هدف ره توضیح میدیه
- یک پلان ده ساله همراهی فازهای پلان عملی



کار داوطلبی روی همه زندگی ها تاثیر مونه و شکل های مختلف دیره. بلدی پوشش بخش های مختلف از ای فعالیت ها، استراتژی ملی بلده کار داوطلبی سه بخش قابل توجه دیره که بخش های مختلف کارهای کار داوطلبی ره هدف قرار میدیه.

1. توانایی فردی و تجربه داوطلب ای بخش قابل توجه د باره یک فرد است. آیا کار داوطلبی لذت بخش و پرمعنی است؟ آیا اونا کار داوطلبی ره امن انجام میدیه؟ آیا کدام چیزی است که کار داوطلبی ره بلده از اونا سخت تر کنه؟

2. تاثیرات اجتماعی و تاثیرات روی جامعه بخش دیگه قابل توجه مربوط به جامعه و نقش کار داوطلبی د داخل آن موشه. کار داوطلبی بلده مردمای مختلف و جوامع مختلف چه شکلی یه؟ آیا مو تاثیرات کار داوطلبی ره جشن میگیریم؟ آیا کدام کار داوطلبی دیگه است که هنوز خیلی اهمیت داده نموشه؟ جوامع چه لازم دیره؟

3. شرایط لازم بلده موفقیت کار داوطلبی، ای بخش راجع به سیستم کلان، پروسه و گروه ها صحبت مونه که روی کار داوطلبی تاثیر مونه. ای شامل رهبری، منابع پولی و دیگه منابع، پالیسی دولت و اداره کار داوطلبی موشه.

ای سه بخش های مختلف بلده استراتژی ملی بلده کار داوطلبی هدف ها و عمل مشخص بلده بخش های مختلف کار داوطلبی دیره. ای همچنان یک چارچوب خوب بلده داوطلبان، رهبر، محققین و کسای دیگه ای که همراهی استراتژی های دیگه کار مونه.

هدف های استراتژیکی

استراتژی ملی بلده کار داوطلبی یازده هدف دارد، که د سه بخش متمرکز مختلف تقسیم شده. هدف استراتژی بلده آینده هدفای مشخص دیره که ساخته شده که هدف مشخص ازمواره بدست بیره که کار داوطلبی یک بخش مهم از جامعه است.

نتیجه	هدف استراتژیکی	نکته قابل توجه
داوطلبین یک تجربه با معنی و غنی دیره، احساس ارزش داشتن را دارن و موفا من که چطور سهم گرفتن شان تغییرات ایجاد مونن.	1.1 توجه روی تجربه کار داوطلبی	توانایی های شخصی و تجربه داوطلب
کار داوطلبی فراگیر و بلده تمام کسا نظر به شرایط شان قابل دسترس است.	1.2 کار داوطلبی ره فراگیر و قابل دسترس جور کدو	
داوطلبان کارای خوره امن و اخلاقی مشغول کار باشن، همراهی کمکا که بیتنه از امنیت، علاقه مندی ها و صحت شی مراقبت کنه.	1.3 مطمین شونن که کار داوطلبی استعمارگرانه نباشه	

نکته قابل توجه	هدف استراتژیکی	نتیجه
جامعه و تأثیرات اجتماعی	2.1 فهم کار داوطلبی ره تنوع ببخشیم	به کار داوطلبی احترام موشه و به شکل های مختلف کمک موشه با درک فرهنگ ها و اصطلاحات مختلف.
	2.2 نظر مردم ره د باره کار داوطلبی به شکل های مختلف شکل میدیه	یک درک جامع از کار داوطلبی د آگاهی عمومی آسترالیا ریشه دوانده.
	2.3 ارزش ذاتی داوطلب شدوره بیشناسین	داوطلبی به عنوان فعالیتی با ارزش ذاتی و به دلیل نقش او د تسهیل نتایج فردی و اجتماعی، شناخته شده و مورد حمایت قرار میگیره.
	2.4 یک رویکرد مبتنی بر جامعه را فعال کنید	جوامع، محرک های اصلی چگونگی تأثیر فعالیت های داوطلبانه د آینده شان استن.
شرایط لازم بلده موفقیت کار داوطلبی	3.1 کارداوطلبی ره یک موضوع مهم د ادارات-متعدد دولتی تبدیل کنید	دولت همیشه کوشش دیره که نیازهای کار داوطلبی ره بررسی کنه و از طریق پالیسی و سرمایه گذاری همراهی کارداوطلبی کمک کنه.
	3.2 یک رهبری قوی و مسئولیت پذیری مشترک بسازه	کار داوطلبی از طریق یک آجندای مشترک پیشرفت مونه، توسط یک رهبری قوی، مسئولیت پذیری مشترک و همکاری واقعی هدایت موشه.
	3.3 به سرمایه گذاری استراتژیک متعهد شونید	کار داوطلبی د آسترالیا توسط یک زیرساخت مشترک و سرمایه گذاری استراتژی مشترک حمایت موشه.
	3.4 شناخت اهمیت مدیریت کار داوطلبی	سهم گرفتن قوی داوطلبین و نقش مهم رهبرای داوطلبین ره یادآوری کده و بشکل مناسب مورد حمایت قرار بیگیره.

از هدف استراتژیک استفاده کده پلان ایجاد کنه

یازده هدف استراتژیک یک شروع عالی بلده هرکس که میخوایه از استراتژی ملی بلده کار داوطلبی د تیم خو و جامعه خو استفاده کنه.

مطمئن نیستین که چه قسمی شروع کید؟ ای راهنمای مرحله به مرحله استه که میتنه همراهی شیم کمک کنه:

1. هدفای استراتژیک ره جستجو کیده و خلاصه شی ره بخوانید.
 2. د باره نیاز فعلی و هدف آینده خو فکر کید. هدف استراتژیک ره نوشته کید که میخوایین د باره شی صحبت کنید.
 3. هدف استراتژیک که میخوایین روی شی توجه کید ره انتخاب کید (حتی اگر یکدانه باشه).
 4. از وبسایت **استراتژی ملی بلده کار داوطلبی** دیدن کید و بلده مالومات بیشتر د باره هدف استراتژیک که شمو انتخاب کیدید سند کامل ره دانلود کید.
 5. راجع به هدفای استراتژیک که میتنه همراهی نیازهای فعلی و هدف آینده شیم کمک موشه فکر کید.
 6. بصورت مختصر یک پلان ره د بار کار که میخوایین انجام بیدین نوشته کید، کمک مالی که میخوایین درخواست بیدین، یا همراهی تیم که میخوایین د ارتباط شوین.
 7. ای پلان هاره همراهی تیم و جامعه خو بیشتر جور کید.
 8. عمل کید و سهم بیگیرین!
- د یادشیم باشه - استراتژی ملی بلده کار داوطلبی کمکای زیاد د سرتاسر آسترالیا دیره. مردمای که عین تجربه و هدف ره دیره ره توغ کید، شاید فرصت کار کیدون مشترک بلدی کدام پروژه د جامعه باشه.

مشوره ها

- بلده مالومات زیادتر، د زیر هر هدف استراتژیک د سند استراتژی ملی کار داوطلبی توغ و تحقیق کید، یا ای عمل د پلان هدف استراتژیک سال ۲۰۲۴-۲۰۲۷.
- مرحله دوم و سوم میتنه بخش از کارگاه همراهی اعضای دیگه ای از تیم یا جامعه باشه. شمو میتنید د باره نیاز فعلی و هدفای آینده سوال کنید، مثل:
- اگر شمو بیتنید یک چیز ره د تیم یا جامعه د باره کار داوطلبی تغییر بیدین، او چه خواد بود؟

- تیم یا جامعه ازمو د یک سال، سه سال و یا ده سال چه کاری ره زیادتر انجام بیدیه؟ مو چه کارا ره کمتر میخوایم انجام بیدیم؟
- آیا د تجربه و مهارت تیم ازمو کدام کمبودی هسته، یا مو کارا ره چطور انجام بیدیم؟
- کدام هدف استراتژیک زیادتر مناسب هدف و کارای داوطلبی که شمو میخوایم انجام بیدین هسته؟

استراتژی ملی د عمل

ای یک مثال هسته که چطور استراتژی ملی بلده کار داوطلبی و هدف استراتژیک شی میتنه همراهی از شمو کمک کنه که پلان بسازید که جامعه خوره ارتقا بیدین.

فاطمه و کین مردم ره هماهنگ مونه که هر هفته بصورت مجانی بلدی جامعه خو غذا پخته کنه. اونا استراتژی ملی ره میخوانه و اونا میخوایه تاثیرات مثبت که روی جامعه شی میداشته باشه نظر به **هدف استراتژیک ۲.۳ تجلیل کنه: ارزش ذاتی داوطلب شدو** ره بشناسید.

فاطمه و کین اکثر وقت خوره با تماس گرفتن با دیگران تیر مونه و هیچ پروسه که بیتنه تاثیرات کار داوطلبی خوره روی جامعه دنبال کنه، ندره. اونا همراهی کالجا و دانشگاهها تماس میگیرن که همراهی از اونا د باره همکاری مشترک د باره پروژه دانشجویان صحبت مونن. باهم، کین و فاطمه و شاگردا موفامن که به چند نفر غذا دادن، چند ساعت د جامعه وقت گذاشتن و ارزش غذا دادن بلدی کسای که نیاز دارن.

کین ای مالومات ره همراهی جامعه شریک مونه و اونا یک برنامه میگیرن که تاثیرات مثبت کار داوطلبی ره جشن بیگیرن. او شریک کدون مالومات نو ره همراهی داوطلبین محلی هر ماه شریک مونه که چطور کار داوطلبی شی همراهی مردم کمک موشن. کین متوجه موشه که اعضای نو جامعه د باره پروگرام غذا از دیگه داوطلبین خبر موشن و حاضر موشه که کمک کنه.

از طریق نهاد اصلی کار داوطلبی خو، فاطمه د باره کمک نو مالی دولتی بلده کمک جامعه با خبر موشه. او مالومات تاثیرات جامعه خوره استفاده مونه که بلده کمک مالی درخواست بیدیه. فاطمه همچنان د باره استراتژی ملی بلدی کار داوطلبی و هدف استراتژیک آن که میخوایه د باره شی کار کنه ره هم د درخواستی کمک مالی د صورت که موفق شد صحبت مونه.

توسط استفاده کدون استراتژی ملی، کین و فاطمه بصورت موفقانه به طرف هدف **استراتژیک ۲.۳ کار کیده: ارزش ذاتی کار داوطلبانه را بشناسین.** د طول مسیر، اونا همچنین د موارد زیر مشارکت داشتن:

1.1 روی تجربه داوطلب توجه کدن

2.1 تنوع بخشیدو به درک از کار داوطلبانه

2.4 رویکردی مبتنی د جامعه ره فعال کید

و، اگه درخواستی کمک مالی شی قبول شونه، فاطمه و کین همچنین منابع لازم ره دیرن که بسوی ای هدفای استراتژیک کار کنن.

3.3 به سرمایه گذاری استراتژیک متعهد شونید

3.4 اهمیت مدیریت داوطلبان ره درک کید

پلان عملی سال ۲۰۲۴-۲۰۲۷

مردم د سرتاسر آسترالیا از استراتژی ملی بلده کار داوطلبی استفاده نه که عمل کنه بلده کمک کار داوطلبی د جوامع خو. بعضی از ای کارا بخش از پلان عملی سه ساله استه. استراتژی ملی بلده کار داوطلبی سه پلان عملی خواد داشت و هر کدام شی بصورت مشترک ساخته شده که عمل های مهم ره بلده کارای داوطلبی آینده شناسای کنه.

اولین پلان عملی، پلان عملی سال ۲۰۲۳-۲۰۲۷ نامیده موشه و د سال ۲۰۲۴ منتشر شده. ای شامل موارد زیر استه:

- ۲۲ اقدام طراحی شده بلده دستیابی به چشم انداز و اهداف استراتژیک استراتژی ملی داوطلبی.
- وعده ها از طرف ادارات دولتی و سازمان ها، نهاد اصلی کار داوطلبی، محققین و نهاد ها.
- فرصت بلده از شمو که عمل کید و سهم بیگیرین.

پلان عملی عالی ترین راه استه که بینگرنین که دیگرو چه کار مونه و خودون شیم الهام بیگیرین که شمو چه کار میتنید که کار داوطلبی ره د داخل جامعه خو رونق بیدین. د سرتاسر ۲۲ عمل، بلده همه یگان چیزی وجود دیره.

پلان عملی سال ۲۰۲۳-۲۰۲۷ یک مرحله مهم د ۱۰ سال استراتژی ملی کار داوطلبی استه، اما طریقه سهم گرفتو فقط ای نیسته. خیلی گروه ها خارج از پلان عملی کار مونه، بله پروژه های مستقل که د تیم یا جامعه شی مناسب نیاز شی استه کار مونه.

استراتژی ملی بلده کار داوطلبی فقط از طریق کار مشترک مردم د سرتاسر آسترالیا به هدف خو میرسه. هرکار ره که شمو بیتنید انجام بیدین مهم که کار داوطلبی ره راحت تر کنه مهم استه، شاید او کار کلان یا خورد باشه، بخش از پلان عملی یا کار که مستقلانه انجام موشه.

شمو میتنید پلان عملی سال ۲۰۲۳-۲۰۲۷ ره از وبسایت زیر دانلود کید volunteeringstrategy.org.au

سهم گرفتو د پلان عملی سال ۲۰۲۴-۲۰۲۷

میخوایین بوفامین که چطور میتنید عملاً که که د کار داوطلبی کمک کنید؟ پلان عملی سال ۲۰۲۷-۲۰۲۴ بهترین جای است که میتنید شروع کید ای ۲۲ عمل و راه های مختلف بلده داوطلبان، گروه ها و جامعه ها دیره که سهم بیگرن عمل ره و کمک های مناسب شی ره بلده مشوره ددو و ای که چه کار کده میتنید بررسی کید.

ای راهنمای مرحله به مرحله است که همراهی شیم کمک کنه که چطور از پلان عملی استفاده کید:

1. عمل های پلان عملی سال ۲۰۲۴-۲۰۲۷ ره بخوانید
2. د باره نیاز فعلی و هدف آینده خو فکر کید. عمل های ره که همراهی شیم کمک موشه نوت بیگرن.
3. د بخش های عمل ها و کمکا بلده راه های مشوره که بیتنه شروع کنین توغ کید
4. عمل های ره که میخواییین توجه کین انتخاب کید.
5. عمل های که مربوط به نهاد رسمی، ادارات دولتی یا سازمان، یا نهاد های دیگه موشه، ببینین که وبسایت گروپ ها یا استراتژی ملی بلده کار داوطلبی و مالومات بیشتر ارائه موشه.
6. بصورت مختصر پیش نویس پلنهایره که میخواییین انجام بیدین و ای که چه شکلی باشه ره د گروه، جامعه و تیم خو نوشته کید.
7. ای پلان هاره همراهی تیم و جامعه خو بیشتر جور کید. بستگی د پلان عملی دیره که شمو میخواییین انجام بیدین، شمو شاید بخواییین همراهی نهاد ها اصلی و مهم بلده راهنمای د تماس شونید.
8. عمل کید و سهم بیگرن!

مشوره ها

- هر عمل کمک موشه که یک یا بیشتر هدف استراتژیک ره بدست بیره. اگر شمو توغ کده باشین که کدام هدف استراتژیک زیادتر مناسب از شمو استه، توغ کید که کدام عمل ای هدف استراتژیک ره دیره و ایره بعنوان نقطه آغاز استفاده کید.
- پلان های عملی بلده سه سال استه و بعضی های شی ممکنه پیشتر از دیگرو انجام دده شونه. شاید لازم باشه که شمو ببینین که عملی ره که شمو میخوایین کمک کنید آماده باشه که شمو شامل شونید. اگر شمو مطمئن نیستین، همراهی تیم استراتژی ملی بلده کار داوطلبی از طریق وبسایت د تماس شونید.
- د آخر سند پلان عملی سال ۲۰۲۴-۲۰۲۷، یک لیستی از عمل کرد های دیگه ای هم استه که د جریان ساخت ای پلان مشوره داده شده. اینا همه نظرهای استه بلده عمل که کمک موشه استراتژی ملی بلده کار داوطلبی بدست بایه. عمل های پیشنهادی ره بخوانید و براحتی هرکدام شی که بدرد شیم موخره ره استفاده کید!

استفاده کردن استراتژی ملی بلده صحبت کدو د باره تاثیر

کار داوطلبی روی همگی ازمو تاثیر مونه و تاثیر مثبت شی د تمام کشور احساس موشه. شمو میتنید از استراتژی ملی بلده کار داوطلبی استفاده کید که همراهی شیم کمک کنه که د باره تاثیر کار داوطلبی د جامعه صحبت کید. ای بلده از ای چیزا مفید استه:

- انگیزه ددو بلده داوطلبین فعلی توسط فهماندن از اونا د باره تاثیر کار از اونا روی زندگی دیگرو.
- ارتباط دشتو با مردمای نو که می خواین کار داوطلبی انجام بیدین، همراهی از اونا صحبت کدو د باره ماموریت و تاثیر.
- آگاهی دهی د باره کار داوطلبی و منفعت های شی.
- درخواست ددو بلده کمک مالی و منابع، مثال ددون کاری که شمو انجام میدین و ای که چطور بیشتر میتنن انجام بیدین.

مطمئن نیستین که چه قسمی شروع کید؟ ای بعضی از کارهای استه که شمو میتنن انجام بیدین:

1. راجع به کار داوطلبی خودون خو و دیگرو د تیم شیم انجام میدین فکر کید و ایکه کار شیم چی رقم دیگرو ره کمک مونه. راجع به ای شاید تنها میخواین صحبت کنید یا با گروپ از مردم. ای میتنه کمک کنه که سوالای مثل زیر ره پرسیان کید:

- آیا کار داوطلبی همراهی مردم، حیوانات، محیط زیست، یا کدام چیزی دیگه کمک موشه؟
- آیا کار داوطلبی همراهی همگی کمک موشه، یا ایکه بیشتر روی یک گروه خاص توجه مونه؟
- میتنی د یک جمله توضیح بیدی که کار داوطلبی چه دست آورد داره؟
- یک روز خوب بلده کار داوطلبی چه شکلی یه؟
- آیا کدام لحظه ای استه که شما زیاد افتخار کنید؟
- اگر کار داوطلبی توقف شونه، چه اتفاق خواد افتاد؟
- شمو چه کار باید بکنید که شمو و دیگرای که کار داوطلبی انجام میدین یک تجربه خوب داشته باشن؟
- آی کار داوطلبی زندگی شیم ره، یا زندگی دیگرای که کار داوطلبی انجام دادن تغییر داده؟

2. یازده هدف استراتژیک استراتژی ملی کار داوطلبی و نتیجه شی ره نگاه کید.

3. بلدی هر هدف استراتژیک، فکر کید که کار داوطلبی شمو و دیگر د جامعه کمک کده که امو هدف استراتژیک ونیجه ره بدست بیره.
- آیا کدام داستان و آمار استه که بیتنه همراهی شیم کمک کنه که د ای باره صحبت کید.
4. اگر شمو بلده کمک مالی و حمایت درخواست میدید، هدف استراتژیک ره دوباره مرور کید و د باره ای فکر کید که شمو چه کار کرده میتنید اگر شمو منابع لازم و تیم کلان میداشتید.
5. با استفاده کدو از تمام ازی مالومات، نوشته کید که دیگر د جامعه شیم چه کار مونن که استراتژی ملی کار داوطلبی ره بدست بیرن.
- شمو شاید بخوایید ای ره به دو طریقه نوشته کید: یک خلاصه کوتاه مالومات نو یا انتشار از او د انترنت، و یا یک گزارش مفصل، یک نامه رسمی یا درخواستی های کمک مالی.
- حالا که شمو راه توضیح دادن تاثیرات مثبت کار داوطلبی ره بلد شدین، میتنید از او استفاده کده کار داوطلبی ره جشن بیگرین و ارزش اوره اهمیت قائل شوین. شمو میتنید ای کار ره از طریق روزنامه، فضای مجازی، یک برنامه، جایزه، درخواست کمک مالی، یا ملاقات با سیاست مداران و یا رهبران جامعه انجام بیدین.

مشوره ها

- د جریان سال، روزهای مخصوص و برنامه ها استه که کار داوطلبی ره جشن میگیرن. فکر کید که شمو چه کار کرده میتنید که سهم بیگرین! ای شامل هفته ملی کار داوطلبی (ماه می)، روز بین المللی کار داوطلبی (۵ دسامبر)، و روز بین المللی مدیر کار داوطلبی (۵ نوامبر) موشه. شاید برنامه های د جامعه محلی شیم باشه ویا تاریخ های مهم د باره نوع کار داوطلبی که د جامعه شیم اتفاق موفته، وجود دیشته باشه.
- استراتژی ملی بلده کار داوطلبی پر از تحقیقات د باره کار داوطلبی، ترند های نو و تاثیر شی استه. بعضی از این میتنه همراهی شیم کمک شونه که شمو د باره کار داوطلبی صحبت کید.
- اگه د باره ای که چطور د باره کار داوطلبی صحبت کید، مالومات بیشتر نیاز دیرید، شاید لازم باشه که همراهی نهاد اصلی، گروپ تحصیلی (مثل کالج، دانشگاه یا TAFE) یا همراهی نهاد های که کار مشابه انجام میدین د تماس شونید.
- نهاد های اصلی، ادارات دولتی و سیاست مداران شاید بیتن همراهی شیم کمک شونن که کمک مالی که د منطقه شیم هستن ره بلده شیم مالومات بیدین.

راه های دیگه که میتنین سهم بیگرین

راه های خیلی زیاد وجود دیره که شمو میتنین همراهی استراتژی ملی بلده کار داوطلبی سهم بیگرین - و شاید شمو شاید کدام کار جدید که قبلا انجام داده نشده ره پیدا کنید!

اینجی چند مشوره های بیشتر وجود دیره که بیتنه همراهی شیم کمک کنه که کار داوطلبی ره یک بخش مهم از جامعه آسترالیا تبدیل کنید:

- یک شبکه ملی از گروپ ها استه که استراتژی ملی بلده کار داوطلبی ره کمک موشن که نام شی ائتلاف حمایت استه. شمو میتنین که عضو شوین و حمایت خوره اعلام کنید. شمو میتنین مالومات بیشتر د باره ثبت نام د وبسایت زیر پیدا کید volunteeringstrategy.org.au
- ببینید که اگه استراتژی کار داوطلبی د محل، ایالت یا قلمرو د منطقه شیم وجود دیشته باشه. اگه باشه، به احتمال زیاد روی نیاز های منطقه شیم توجه مونن.
- شمو میتنین شبکه ای از دیگه داوطلبین ره توسط تماس گرفتن و مالومات کمکای محلی کار داوطلبی یا حکومت محلی خو د تماس شونید و مالومات بیگرین.
- همراهی جوامع دیگه د تماس شونید که شبکه نو ایجاد کید و مالومات ره شریک کید. بلده مثال، اگه کدام عقیده دارین، آیا کدام گروپ مشابه که عقیده شموره داشته باشن د یک منطقه دیگه استه. یا یک گروپ نو که ماموریت مشترک داشته باشن که بیتنین همراهی شی پیوند جدید برقرار کنید.
- از تاریخ های مهم و مراحل مهم استفاده کید که فرهنگ و نحوه کار داوطلبی خوره همراهی مردمای دیگه ای که خارج از شبکه شیم استه شریک کید. شریک کیدون داستان ها، مهارتها و تجربه ها میتنه کار داوطلبی ره قویتر با جوامع وصل کنه.
- از مردم دعوت کید که همراهی شیم د کار داوطلبی شیم شرکت کنه، مثل دوستان، همکارها یا اعضای خانواده.
- شمو شاید متوجه شونید که بعضی نهاد ها و یا جامعه ارزش های مشترک با شما دارن، کار خوب انجام میدین یا کار داوطلبی ره به طریقه ای انجام میدین که شمو فکر مونید مفید استه. کوشش کید که همراهی از اونا صحبت کید تا ببینید که فرصت کار کدو و یاد گرفتن از همدیگه باشن.

یک آینده بهتر بلده کار داوطلبی

ای راهنما بلده شیم نشو دده که چطور استراتژی ملی بلده کار داوطلبی همراهی از شمو و جامعه شیم کمک مونه.

فرق ننه که چطور شمو وقت خوره میدین که همراهی دیگرو کمک کنید، یا ای که شمو نام شیره چه میلید، ای یک چیزی استه که روی زندگی همگی ازمو تاثیر مونه و موره باهم نزدیک مونه. استراتژی ملی بلده کار داوطلبی، چشم اندازی مشترک بلده آینده ای بهتر بلده کار داوطلبی ترسیم مونه و ما میتنیم با همکاری یکدیگه اوره بدست بیریم.

یک آینده که زیادتیر مردم کار داوطلبی بیشتر انجام بیدین. جای که داوطلبین احساس مومن که احترام موشن و چطور سهم گرفتون شی تاثیر گذاشته. د جای که به کار داوطلبی ارزش قائل موشن و بصورت جدی د ساختون پالیسی، ساختن خدمات و سرمایه گذاری استراتژیک جدی د نظر گرفته موشن. جای که تنوع کار داوطلبی رسمیت داره، جشن گرفته موشه و حمایت موشه. جای که مردم به صورت انفرادی و جمعی بلدی شکوفای جامعه خو، توانای های خوره درک موشن.

جایکه **کار داوطلبی یک بخش مهم جوامع استه.**